

Groffschmedskneit on Schniedergefell.

Freie Bearbeitung im Elberfelder Dialekte von W. Pottgießer, nach
Original = Gedichten von J. F. Rüttling in hoch = deutscher Sprache
und von Bornemann in platt = deutscher Sprache einer andern Gegend.
Vorgetragen vom Verfasser im ersten Kränzchen, am 8. Jannar 1853.
als das Bohnenfest gefeiert wurde.

Et loog en Groffschmedskneit ens schier
Am heß'gen Feerwer krank;
De Doktersch äm, te drei on vier
Verschreewen Pell'n on Drank.

Wenn alt soa völl der Doktersch = Lühd
Ordniren dött on datt,
Dann es't gewes noh an der Tied,
Wo reenweg nicks mea batt!

Van Düwels Lüg En Enz'ger kann
Verschriewen all vollopp,
Bi mea, kritt me te völl dervan,
Dn't geht der Kranke dropp.

Genog, då arme Groffschmedskneit
 Wor en der grötsten Noath;
 De Doktersch hadden All gesait,
 Bis Mon dann es hä doat.

Dem Groffschmedsmeester sinne Frau
 Wor dröwer arg bedröwt;
 Sie hadd den Boschten fast genau,
 As ärren Sonn geleest.

Drömm hadd se ok so völl gedonn,
 Dn dädd soa gään noch mea,
 Denn, geilt et ennem leewen Sonn
 Dann dööt der Affschett wea.

Frau! sprook to är der Groffschmedskneit,
 Met mek es et baul uut,
 Ek si, äs mek der Dokter sait,
 Tösch'n Mon gewes kaputt.

Ze gooder Legt meut ek dann doch
 Noch ens 'nen leckern Froot,
 Dn sterw ek dann Vandaag ok noch,
 So es et ook alt good.

Dp Kappes häw ek et gepackt,
 Reit fett gekockt met Speck;
 'Nen döcht'gen Pott dervan gemackt!
 Dn Häzen drenn! Verdeck!

Van Hawergotte die soa dönn,
 Nitt mea 'nen eng'gen Schluck!
 Dok Droopen well ek nitt mea senn,
 Dat Tüüg föllt nitt den Buck!

De Frau die kockt' den Kappes hell,
 On rührt' of Mägen drenn;
 Dovan droog sie äm op der Stell,
 'Nen döcht'gen Kaump voll h'renn.

Dä kranke Groffschmedskneit heet sek
 Wie'n König dran tractirt;
 Hä froot äs sek; em Dgenbleck,
 Wor Alles schnabelirt.

Dropp heet hä sek op't Dar geleit,
 On loog do grad wie doat;
 Em ganzen Huus woad nu gesait,
 Dä es ut aller Noath.

Des Morgens koomen öm de Bett
 De Dokterseh an, sliet, slact!
 Do soot der Kranke vöar dem Bett,
 On schmoeck' en Piep Teback.

Dött äs et gröttste Wonger gault,
 Wat en der Welt passirt;
 Et wongerden sek jong on ault,
 Dat Kappes soa kurt.

En jongen Dokter wor derbie.
 Dä leep soa newen her,
 On sökben, of nitt do on hie,
 Vöar änn te donn ook wör.

Erfahrong es de beste Lear,
 Die makd am easten klook,
 Drömm schreef sek döser jonge Hear
 En sinn Rezeptenboock:

„Böar Feewer nicks noch en der Welt
 Heet sek soa god beweart,
 Als Kappes, reit fett asgequellt;
 Dat häw ek nu geleart.“

Baul geng't 'nem Schnieder, oof Gesell,
 Dörch'n hezig Feewer schleit;
 Als hä so loog em Bettgestell,
 To am der Meester sait:

Bamberger! hör, et geht soa nitt,
 Ding Ping es alltegroat,
 Baul glöhsste, bös baul knittewitt,
 Dek döht en Dokter Noath!

Sonn'n Dokter dä sek fahren lött,
 Well alltevöll mols hann,
 Märr eener dä te Foot noch geht,
 Dat es soa ussen Mann.

Ek stell mek op et neue Matt,
 Wo reit ek mek ömkiek,
 Dn ek parier, dat et mek batt,
 Ek schnapp er eenen gliek.

Als nu om Matt der Schnieder hell
 Am Gelboom Posto nohm,
 Passirt et, dat gliek op der Stell
 Dä jonge Dokter koom.

Der Meester en den Wäg am troot,
 Dn hörden met Pläfir,
 Van am bethüren: Godden Mooth!
 Dänn Kranken ek kurir!

Dok bim Gefellen et soa wor,
 (Dä jußt Kamillen dronk)
 Fern reep dä Dokter: Böll Gefohr!
 Märr Mon es hä gesonk!

Ä Meddel kömmt mek en den Senn,
 Wovan de Welt fall kall'n;
 Noch nömmes heet soa gett gesenn,
 Troß ussen Doktersch All'n!

Hie steckt de Kaar arg deep em Dreck!
 Nicks anders mea kurirt,
 Äs Rappes fett gekocht met Speck;
 Brav Äägen dörrchgerührt!

Hä mott en Schöttel voll dovann
 Stracks en et Lief sek schlonn,
 Dn met dem Feewer es et dann,
 Ält tötschen Mon gedonn.

Dä arme Schnieder goof sek dran;
 Boll Angstschwett, fault on stief,
 Feng hä met Rappeswörge an,
 Dat opschwoll äm et Lief.

Es kann nitt mea, reep der Gefell,
 Es föhl, et es verbie!
 Dn gliek heet än ok op der Stell,
 Der Schlag gerührt derbie.

Gott's Kuckuck! wie genk dat verkeart!
 Dämm Dokter wor't te ronk,
 Hä glauten sek soa gronkgeleart,
 Dn soog, — dat et hie stonk.

Te Berg stong äm et kruse Hohr. —
 ðm Dpflörong te hann,
 Sprook hä, verbistert wie hä wor,
 'Nen aulen Dokter an.

Dä Hul äm ganz bedächtig sait,
 Frönk! nemmt die Lear au met:
 En Schnieder on en Groffschmedskneit
 Dat es en Dngerschett!